

## PREMIO A PROXECTO DE WEBSERIE EN GALEGO

O Festival de Contidos Dixitais CARBALLOINTERPLAY, que terá lugar os días 5, 6 e 7 de maio de 2016 en Carballo, convoca nesta III edición o Premio a proxecto de webserie en galego.

### PREMIO

Este premio ten unha dotación económica de 1.500 euros, que se deberán destinar á produción de, polo menos, 3 capítulos da webserie cuxo proxecto sexa premiado.

O premio estará suxeito ás posibles retencións fiscais que a lei estableza.

### PRAZO

Poderán presentarse proxectos dende a data de lanzamento destas bases ata o 11 de abril de 2016.

### DOCUMENTACIÓN REQUERIDA

Os/as solicitantes deberán enviar ao correo [direccion@carballointerplay.com](mailto:direccion@carballointerplay.com), indicando no asunto do correo "**Proxecto de webserie en Galego**", a seguinte documentación nun arquivo .pdf:

- Historial profesional do/da solicitante ou produtora.
- Sinopse do proxecto (máximo 1 páxina).
- Memoria explicativa do proxecto (máximo 5 páxinas).
- Guión definitivo do primeiro capítulo.
- Calendario da produción.
- Currículo do equipo técnico e artístico.
- Plan de comunicación e presenza en RRSS.
- Ligazón a *teaser* visual da webserie.
- Calquera outra documentación que o/a solicitante ache pertinente para a mellor defensa do proxecto.

### PROXECTOS FINALISTAS

Entre todos os proxectos recibidos o comité de selección do festival escollerá un máximo de 5 proxectos.

Os proxectos finalistas terán que defenderse cun *piching* ante os membros do xurado específico para esta convocatoria.

O *piching* será aberto ao público e terá lugar o xoves 5 de maio no Auditorio do Pazo da Cultura do Concello de Carballo.

### XURADO ESPECÍFICO

O xurado específico estará composto por profesionais do mundo das webseries e produción en

liña, do audiovisual e da dinamización lingüística, un representante do Concello de Carballo e un representante do equipo directivo do festival. O xurado específico publicárase na páxina web do festival.

Valorárase a creatividade e orixinalidade da proposta, así como a súa viabilidade de cara á produción.

A organización do festival reserva o dereito de deixar deserto o premio no caso de non concorreren a concurso, polo menos, **un mínimo de tres proxectos finalistas**.

O proxecto de webserie premiada farase público o día da gala de entrega de premios do festival, que terá lugar o sábado 7 de maio no Auditorio do Pazo da Cultura de Carballo. Cando menos un dos representantes de cada proxecto finalista deberá estar presente na devandita gala.

## OBRIGAS DO/A BENEFICIARIO/A

Polo menos 3 capítulos da webserie resultante deberán estar finalizados para ser presentados na IV Edición do Festival CARBALLO INTERPLAY, prevista para o ano 2017.

O/a beneficiario/a poderá exhibir a webserie con anterioridade a través das súas canles propias.

O resultado da webserie premiada deberá axustarse ao proxecto presentado.

A webserie debe estar rodada en VO en galego.

Nos títulos de crédito iniciais da produción deberá figurar en cartón único: «Co apoio de CARBALLO INTERPLAY e CONCELLO DE CARBALLO».

Na documentación do proxecto (materiais de promoción e distribución) e nos títulos de crédito da produción resultante, páxina, web, etc., farase constar que recibiu o premio ao proxecto de webserie en galego do festival CARBALLO INTERPLAY. Para isto, a organización do festival facilitará os logotipos pertinentes.

Os/as beneficiarios/as danlle a autorización expresa ao festival CARBALLO INTERPLAY para a utilización da produción co obxecto da súa socialización nas actividades de promoción e difusión que lle corresponden.

## DEREITOS DE EXHIBICIÓN

Ao enviar os materiais a concurso, os/as titulares/as declaran implicitamente seren os/as propietarios/as e teren, ou estaren autorizados para utilizar, todos os dereitos sobre a música, vídeo e efectos que figuran na webserie. O festival non se fará responsable das reclamacións que xurdan do incumprimento do/a creador/a ou produtor/a que presente a webserie de non posuír axeitadamente os dereitos sobre o material que envíe.

## ACEPTACIÓN DAS CONDICIÓN

A presentación de proxectos ao premio implica a aceptación destas bases.